

Уларни сиймоларидан танийсан...



19:36 / 06.09.2020 2544

Аллоҳ таоло Қуръони Каримда шундай марҳамат қиласди:

ضَرِبَأَيْسَتَطِيعُونَ لَا إِلَهَ سَبِيلٌ فِي أَحْصِرٍ وَالَّذِينَ لِلْفُقَرَاءِ

تَعْرِفُهُمُ التَّعْفُفُ مِنْ أَغْنِيَاءِ الْجَاهِلُ يَحْسِبُهُمُ الْأَرْضِ فِي

بِهِ إِلَهٌ فَإِنَّ خَيْرٍ مِنْ تُنْفِقُوا وَمَا إِلَّا حَافَ إِنَّ النَّاسَ يَسْأَلُونَ لَا يُسِيمُهُمْ

(Садақалар) Аллоҳнинг йўлида тутилган, ер юзида кезишга қодир бўлмаган, билмаган киши ифғатлари туфайли уларни бой деб ўйлайдиган фақирларгadir. Уларни сиймоларидан танийсан, одамлардан хиалик қилиб сўрамаслар. Нима яхшилик нафақа қилсангиз, бас, Аллоҳ албатта, уни ўта билувчиdir. (*Бақара сураси, 273-оят*).

Бу ояти карима зикр қилган тоифадаги одамлар нафсларини Аллоҳ таолонинг йўлида иш қилишга тутганлар, шу сабабдан уларнинг касб қилишга ҳам имконлари йўқ. Айни чоғда, ифғатлари, уятлари кучли бўлганидан ўзларининг ҳожатманд эканликларини яшириб юрадилар. Асл ҳолни билмаган одам уларни сиртларидан кўриб, бой деб ўйлайди.

«(Садақалар) Аллоҳнинг йўлида тутилган, ер юзида кезишга қодир бўлмаган, билмаган киши ифғатлари туфайли уларни бой деб ўйлайдиган фақирларгadir».

Нафақани худди ана ўшаларга қилиш керак. Уларнинг ўзлари асл ҳолларини беркитсалар, одамлардан хиалик билан тиланмасалар, уларни қандай қилиб топамиз?

«Уларни сиймоларидан танийсан...»

Фаросати бор, мулоҳазали кишилар мазкур фақирларни, гарчи улар ҳожатмандликларини билдирмасдан, кишилар кўзига бой бўлиб кўриниб юрсалар ҳам, таниб, ҳақиқатни билиб оладилар. Ўзларини ифғатли тутганликларининг ўзи нафақани уларга маҳфий қилишга ундейди. Нафақа бераман деб, бундай кишиларнинг ҳис-туйғуларини оёқости қилмаслик керак. Нафақа Аллоҳ учун қилинаётган бўлса, маҳфий тарзда қилингани маъқул.

«Нима яхшилик нафақа қилсангиз, бас, Аллоҳ албатта, уни ўта билувчиdir».

Савобини ҳам ўзи билиб, бераверади. Шунинг учун ҳаммага кўрсатиб, гувоҳларни қўпайтириб садақа қилишга ҳожат йўқ. Сиз ихлос билан, Аллоҳ

таолонинг юзини кўзлаб садақа қиласеринг, у ёғини Аллоҳ таолонинг йози билади.

«Тафсири Ҳилол» китобидан